

ONAINDIA'TAR ALBERTO

("PADRE OLASO")

Donibane Liotzun'en, Etchegaray kalean 11n.atean bizi zan Onaindia'tar Alberto abadea. Antxe alboan dago bere anaia zan Txomin'en izena daroan beste kale bat.

Ainbatetan joan giñan, eta beti pozik, etxe orretara. Batzutan Alberto'ri lanen bat egiteko eskatzera, baiña, azkenengo urteetan batez be, bere gaiso-aldian ikustaldia egitera.

Azkenengo urte oneitan zartzaro onean bizi izan da gure D. Alberto, baiña zori txarrez, gomutamena apur bat galduta. Gauza asko eukazan oraindiño bere buru argian, baiña beste asko ezin gogoratu izaten ebazan.

Gaiso-aldi orretan D. Alberto berbatsu eta biotz oneko agertzen jakun eta agur egikeran esker onez auxe esaten euskun: "Etorri barriro be nai dozuenean emen pozik artuko zaituegu... baiña zuek ez zarie etorriko geiago."

Eta gomutamena apur bat galduta euki arren, D. Alberto'k bere eritxiak zorrotz eta argi agertzen ebazan, berak bere bizitzan ainbeste auznartutako eritxi elduak ziran eta "testamentu antzera" artzeko berbak ziran bereak: Alderdi politukuak eta erria, eleiz-agintariak eta

kristiñauak, giza-eskubideak, gaurko jokabideak Euskerrian... eta abar.

Gure ZER onen bidez ezin itzi esker ona agertu barik D. Alberto'ri eta bere etxekoai: Esker ona bere aurpegi alaiagaitik, bere etxeko ateak beti zabalik egotzalako, bere maia eta janariak gugaz banatzen ebazalako, bere agur bero ta maitagarriagaitik...

* * *

ORDUA

Eldu jakon D. Alberto'ri itxaroten egoan bere ordua, bere etxekoen aldetik eta batez be Karmen bere arrebearen aldetik ondo zainduta, txirotasunean baiña ezeren falta barik, egunero bere etxean mezea ospatzen ebala... bake-bakean igaro ebazan Alberto'k bere azkenegunak, edozein euskaldun zintzok beretzat nai izango leukezan lango egunak.

Zeaztasun aundi barik eta billaketa zeatz sakonak beste batek egiteko itzita, idaz-lan onetan D. eginkizuna agertzeko diran gauza batzuk gogoratu-ko doguz, berak berbaz eta egitez egin eban lana, eleizgizonaren lana eta erri-gizonaren lana.



Ezkerretik eskoirra: Aita Lino, Bedita Larrakoetxea, Alberto Onaindia, Santi Onaindia eta orduan Zeanuri'ko Txaburu zana. (1980-8-16).

BERBAZ

Guztiok dakigu Izlari argia ta trebea izan zala, baiña geiago be esango neuke, izlari ausarta zala, iñok esaten ez ebazan gauzak esaten ebazala.

Eta ori lenengo ta bein eguneroko alkar izketan eta egotaldietan, olakoetan agertzen diran eritxiak ez dira ainbeste zabaltzen, baiña erri-azia dira eta erria egiten dabe. Garrantzi aundiagokoak agintari maillan dagoz-nakaz eta bakea egiteko bear ziran artu-emonetan.

Baiña D. Alberto'k egin eban berbazko lanik ospe-tsuen a ezagunena London'etik eta Paris'tik egin eba-n izan zan.

Nor ez daukaz gogoan agintaritz gogorraren men-pean gengozala gizaeskubideen alde eta arazorik gogo-rrenak aztertuz "Padre Olaso" izen-ordea-gaz D. Alber-to'k egiten ebazan berbaldi areik?

Arlo onetan be gorabera aundiak izan ebazan D. Al-berto'k eta azkenean politika-jokoak lortu eban bere abots zolia isiltzea. Baten batek aztertuko al dauz orretarako izan ziran agintari-arteko jokoak.

* * *

EGITEZ

Berbetan trebea zala D. Alberto esan dogu, baiña egi-teetan be ez zan makala. Gure lenengo Lendakariak

aolkularitzat artu eban eta ortik lan aundiak etorri be bai, toki askotara joan-bearra eta ibillaldi luzeak sarri-tan egin bearra izaten eban, bake-lana egiteko.

Geroago UNESCO'n izan genduan langille.

Euskaldunak guda mingarria galdu genduanen San-toña'n azkenen bakea edo ituna egin bear izan zanean, an izan ei zan D. Alberto eta guda ori barri zala be ondoren onik izan ez eben bake-alegiñak egin ebazan.

Lenengo Jaurlaritza arek eta Alderdi Jeltzaleak Bati-kano'n izan ebazan artu-emonak, mingotsak izan ziran eta artu-emon erreitan bere alegiñak egin ebazan D. Alberto'k. Ez dira aiztu bearko Mateo Mujika Gotzaiña-ren "Los Imperativos de mi conciencia" karte a edo agiria argitaratzeko egin bear izan ebazan alegiñak.

Orrez gaiñera, berbea eta egitea batera diran libu-ruak argitaratzea izan da bere zeregiña. Or agertzen da geienbat D. Alberto'ren pentsabidea.

* * *

Pozgarria gure Euskalerriarentzat olako gizon bake-tsuak eta argiak sortzeko almena izatea. Jarraituko al dabe bake-gizonak euren lanean gure erri zauritu onetan.

OLAZAR'tar MARTIN'ek

